

欽定剿平三省邪匪方略

欽定剿平三省邪匪方略正編卷二百九十一年 辛酉

十二月十九日 辛酉 額勒登保德楞泰奏言查荷

逆賊蹤由李子園母家壩一帶竄去恐其入陝

臣額勒登保遂由茅壩取道劉家坪元壩子一

帶探蹤兜剿前進初六日抵元壩子知 臣德楞

泰於賀家院等處與賊接仗後賊匪由真武官

梁家塲高坡子一帶向東南竄去遂卽由百丈

關旺蒼壩進發初八日抵通坪與臣德楞泰會

合探得該匪由魚溪寺清化河遁入南江境內

臣德楞泰於初九日同抵木門又據探報該匪

竄往元灘子有由巴州至通江之勢查該匪等

因近日未經痛剿其勢頗覺鴟張知臣等兩路

兵來又復兼程疾遁臣等各帶兵勇不過二千

餘名茲將豐紳接管之兵勇彼此分撥臣額勒

登保率同札克塔爾豐紳帶領官兵由左路之

長池馬張鋪兩河口一帶截剿

臣

德楞泰率同

達勒精阿馬瑜等由右路之元灘子青崗渡一

帶截剿並派令遊擊劉健標都司羅思舉帶領

弁兵鄉勇千數名跟蹤緩追虛張聲勢以杜折

竄該匪或向左竄或向右竄均可迎頭奮擊至

楊遇春一路官兵昨令其探剿竄往沔畧殘匪

百餘人現據畧陽縣稟報該路官兵於初四日
自該縣之吳家營進發距賊不遠日內卽可接
仗此股賊數無幾定可就地剿除又總兵田朝
貴帶領官兵自初二日於火焰寨神壇溪太平
坡等處將張添倫楊開甲魏洪升合夥餘匪剿
殺獲勝後仍卽緊躡追剿初五日早間於二硯
橋薛家坪等處遇賊接仗殲斃賊匪五十餘名

生擒三十餘名該匪向龍鳳垵桑樹溝老林奔
逃田朝貴率領官兵追過三重大山沿途斃賊
四十餘名生擒六十五名餘匪四散奔逃向板
橋口竄去遂將獲犯訊明被脅未久之四十六
名交南江縣給發路票釋放安置外所有大旗
手李士斌等五十餘名概行正法並據獲賊李
四海供初二日官兵追殺賊匪後聞賊夥中傳

說老掌櫃張添倫藏於林箐內生死未定等語
田朝貴已派弁兵前往尋覓是否屬實尙未
據該鎮報到至格布舍楊芳等所剿李彬股匪
於上月十四日追至東鄉之楊柳池二更時冒
雪進剿天將黎明趕至太平溪奮力衝殺賊匪
四散匿入林箐將弁兵勇分路追趕殺斃百餘
人生擒偽總兵何多獻苟文璧元鋒孫紹誠何

明文旗手張子明羅朋袁學賢劉宗朝等一百
三十六名奪獲刀矛一百餘件李彬率領殘匪
向流水溝老林逃遁遂將生獲之賊目何多獻
等八名及從逆日人賊匪六十四名概行分別
凌遲正法其被脅未从之鍾邦達等七十三名
均就近交地方官安插據格布舍楊芳等專差
具報並將所殺賊匪耳記一百四十三副呈驗

前來臣等查核無異仍飭格布舍楊芳等奮力

速辦務將李彬及早生縛並將餘匪掃除淨盡

其薛大烈等所辦湯思蛟股匪近據稟報已與

劉湖選合夥竄過東鄉之新開場薛大烈於上

月二十二日由八平渡口場進發與寶冲阿等

協力趕辦再近據陝省安康紫陽一帶地方官

稟報十一月中旬有川境零匪數百人竄至安

康西南次蓬溝滋陵穆克登布帶領遊擊閻俊
烈由二郎坪一帶進剿捐職從九品王世琳率
同該處寨勇由盤河一帶堵擊二十一日於羊
圈河斬獲賊匪二三百人奪獲騾馬數十匹餘
匪四散由八道河竄至紫陽之王河又經總兵
汪啟帶兵截剿殺賊三十餘名生擒十六名餘
匪二百餘人竄入西鄉境內該處有總兵胡定

泰帶兵防剿定可聯絡截擊悉數殲除惟該匪
係何股餘孽有無緊要賊目因相距甚遠亦未
據穆克登布等報到查刻下各股殘匪皆屬易
於剿捕惟苟文明人數較多頗形狡惡臣等惟
有併力速辦俟將該匪剿除則此外實無大股
賊匪可期迅速肅功至禁人傑一犯據獲犯供
稱該匪前與苟文明分股帶領百餘人名自逃

竄近據探報在閬縣大寧以東依附別股零匪
於山林中藏匿臣等已札飭該一帶地方卡隘
探蹤剿捕不日將苟逆辦定後卽分兵前往搜
捕再臣額勒登保奉到

諭旨遵查生擒首逆高見奇時遊擊桑漢所帶矛傷
尙不甚重現已痊愈惟遊擊高萬春臂受石傷
骨折筋損未能卽痊情殊可憫臣昨已飭令帶

領貴州傷病兵丁緩程回黔調養並辦理本任
營伍事務以示體恤

額勒登休德楞泰又奏言竊

臣等奉

旨將七十五革職拿問嚴加審訊

臣

額勒登保於初

四日抵廣元之李家壩值七十五帶兵追賊由

曾家河一帶前來相距不遠遂將該提督調至

軍營恭宣

諭旨七十五伏地碰頭戰慄悚懼

臣

額勒登保當飭

將七十五管押隨營前進初八日行抵通坪會

同

臣

德楞泰嚴審據稱自奉派剿辦苟逆以來

惟於太平疏通道路支發餉銀兵丁等製辦衣

履暫劄六日其餘皆逐日追剿並未停留惟因

南廣一帶山大林深急切未能得手後因該匪

向西狂竄實無捷徑可以抄截只得跟蹤緊追

於階州地界連次接仗將賊截回實未敢稍有
逗留惟專辦苟逆股匪未能及早殲除致賊竄
入甘境實屬罪無可道等供臣等查七十五如
果有任意逗留縱賊肆竄之事則軍律具在

聖明固不能曲法施仁臣等仰荷

委任之隆亦斷不敢以功屆垂成稍有容隱自當恪

遵

諭旨從重定擬具奏今據七十五所供其在太平暫
劄六日派撥官兵接護餉項係爲整頓兵力並
非無故耽延此後亦實無逗遛不前之處

臣額

勒登保前曾專差員弁赴七十五軍營密行查
察並令地方官將七十五每日師行處所一一
查報茲據報到情形與七十五所供符合是七
十五之咎祇係辦理遲延不能扼賊他竄此次

賊匪竄甘固係七十五剿辦遲緩不能以未得
地勢及無捷徑抄截稍自解免但念七十五從
前出師數次曾經帶傷十五處昨因賊匪竄入
甘境帶領官兵日夜遄發兩次接仗旬餘之後
將賊截回未能深入甘境該一帶民人未致多
遭蹂躪是七十五尙知愧懼雖功過不能相抵
而其情節猶有可原

臣

等查看七十五所帶官

兵因終日奔馳甚爲苦累而隊伍尙屬整齊且
衆兵勇聞七十五獲咎拿問多有痛哭流涕者
可見其平日帶兵尙得軍心該提督除業經奉
旨革職外現當剿捕萬緊之際應請

旨將七十五留於軍營仍令帶兵自効並可否仰懇
聖恩准其降等補用之處出自

皇上逾格鴻慈

臣

等現將七十五解交廣元縣暫行

羈禁恭候

命下敬謹遵行

額勒登保德楞額又奏言竊

臣等奉

旨飭查賊匪偷渡之金獅廟一帶江岸勒保曾否派

員在彼防守等因查川省嘉陵江岸綿長千餘里

自廣元以下之桔柣渡起係總兵許文謨帶領

兵勇分設防守其白水河岸自碧口之龍安一

帶起係總兵呂朝龍帶兵設卡防堵副將永寧
知府德福同帶兵勇亦在白水下游河岸防守
均爲保護完善地方此次賊匪竄過之金獅廟
一帶係嘉陵江上游支河其水自峒陽而來深
不及尺盛夏亦褰裳可涉因距川境腹地有白
水大河之隔向未設有重兵去歲派都司郭攀
龍帶領兵丁一百七十名鄉勇二百名在朝天

關大路駐劄於該一帶上游分佈卡座該管段
落直接陽平關綿長二百餘里逐處分設兵勇
不過數名至十餘名不等僅供哨探巡查賊近
時傳集附近團勇以資截擊苟逆股匪因官兵
緊躡十一月十二夜突分數股於距朝天關一
百三十里之金獅廟大灘等處蜂擁踴淺過河
分設兵勇爲數本單不能抵禦陣亡兵丁二名

鄉勇十四名總兵許文謨副將永寧知府德福
防守之處相距三四百里一聞警信卽帶兵星
夜趕來賊匪業已搶過該鎮協等恐其搶渡白
水關入川西卽帶兵星回原卡嚴防維時川北
道李鉉副將趙得功因張添倫餘匪竄近蒼溪
江岸意欲搶渡正分帶兵勇在堰溪口一帶堵
擊署廣元縣知縣葉文馥亦奉文在東路百丈

關一帶團集寨勇並催運軍糧相距皆遠均未
能兼顧此_臣等查明賊匪過河疎防之實在情
形也查金獅廟一帶雖未設有重兵但既派都
司郭攀龍防守乃不能先事嚴防以致賊匪搶
過實屬咎有應得未便以賊衆兵單稍爲寬貸
應請

旨將山西吉州營都司郭攀龍革職作爲兵丁留營

効力贖罪其餘文武各員應懇

皇上天恩免其查議均奏入

上命軍機大臣傳諭額勒登保德楞泰曰自本月初
十日額勒登保奏報將苟文明股匪截回川境督
師入川併力剿辦各情形後迄今又閱旬日朕朝
夕盼望捷音乃本日額勒登保德楞泰遞到奏報
仍係會商剿辦苟逆事宜並未趕上賊匪痛加殲

戮惟在廣元通坪地方會審七十五耽延時日假
令此數日內苟文明股匪因無大兵追躡輾轉奔
逃蔓延裹脅豈非予賊以暇又踵七十五故套何
時平賊耶現在別無大股賊匪惟苟文明一股人
數較多據奏賊勢稍覺鴟張此卽耽延所致經畧
叅贊爲各路帶兵大員領袖聲威素著所帶兵勇
又屢次得勝勁旅最稱趨健現又令豐紳管帶七

十五原帶之兵會剿兵力不爲不厚伊二人旣稱
會商後分路進剿務應卽在南江通江巴州一帶
將苟逆股匪掃除淨盡斷不可令其深入川東或
北竄陝界而西面一帶卽係嘉陵江尤爲緊要更
不可任其前竄年內爲日不過旬餘已難望其全
行蕪績但必須趕正月內將此股辦完肅清川境
勿再延緩至摺內稱楊遇春一路剿辦沔畧竄匪

賊擒一百六七十名與昨日長麟所奏相符額勒
登保等當飭催楊遇春上緊搜捕又陝省安康紫
陽一帶有川匪竄入滋擾現經總兵穆克登布帶
兵迎擊斬獲二三百人亦與前日陸有仁所奏相
同惟昨據長麟奏有一股賊匪約五六百人由漢
陰竄至江北地方經長麟飛檄百祥韓自昌等帶
兵迎敵並札商楊遇春令通判維昂帶領兵勇前

往協剿額勒登保摺內未經提及想尙未得信此
股賊匪無多既有百祥韓白昌維等在被剿辦
昨又令長麟慶成同往會剿額勒登保等自可無
庸兼顧斷不可捨現在苟逆緊要之賊又分一人
前往惟應嚴催長麟慶成等趕緊剿辦勿令蔓延
其李彬湯劉等逆不過敗殘餘孽勒保昨已馳赴
川東額勒登保亦應上緊轉催勒保賽冲阿薛大

烈等迅速剝淨務絕根株爲要至七十五本應正
法姑念其尙非出於有心延玩伊從前出師又曾
受傷十五處彼時若有一處傷重卽致陣亡且拿
問之時兵勇等痛哭流涕可見其平日尙得兵心
是以加恩免其正法作爲兵丁効力贖罪前次苟
文明竄甘實係七十五疎縱所致額勒登保等應
卽將七十五派赴前敵令其認真殺賊如果奮勉

立功額勒登保等據實具奏倘仍前怠忽卽著在
軍營正法不能再爲曲貸矣其七十五所遺提督
一缺豐紳曾經加賞提督職銜且七十五一路官
兵現在交伊管帶已降旨令其補授額勒登保等
卽傳諭豐紳倍加感奮勉圖奏績此時七十五旣
因辦賊遲誤獲罪留營額勒登保等當通飭各路
帶兵大員引以爲戒卽該經畧等亦應以七十五

爲前車之鑒當此功屆垂成之際朕惟望尹等奏
凱還朝同膺懋賞甚不願其耽延受過但或稍有
鬆勁致成功再稽時日則不得不治以應得之罪
額勒登保等不可不勉之又勉也

上諭內閣曰七十五以提督大員帶兵剿賊未能將
荷逆一股迅速辦淨致令肆竄若果有心延玩自
應按軍律卽行正法今旣據額勒登保等查明七

十五在太平航延六日整頓兵力與無故遲遲者
有間且七十五曾帶傷十五處平日帶兵剿賊尙
知奮勉又能深得衆心七十五著加恩免其正法
作爲兵丁留於軍營在前敵効力贖罪以觀後效
所有四川提督員缺著豐紳補授其所遺甘肅肅
州鎮總兵員缺著張績補授

上又諭內閣曰金獅廟一帶係專派都司郭攀龍防

守雖因賊衆兵單致賊匪搶過其不先事嚴防之
罪無可寬貸所有山西吉州營都司郭攀龍著革
職作爲兵丁留營効力贖罪其餘文武各員防守
之處相距皆遠未能兼顧著加恩免其查議

二十一日

癸亥

勒保奏言竊

臣

於前次拜摺後卽

向東路進發行抵新寧據報該縣境內楊河溝
地方有零匪一股在彼潛匿

臣

當派副將倭星

額李錦麟帶領兵勇前往搜捕該副將等連夜行走初八日黎明行抵該境見山坳空房內藏有賊匪該副將等卽督率兵勇趕緊圍捕賊匪驚覺扒山四竄兵勇分投擒殺斃賊三十餘名生擒十六名當將活賊帶回臣就加查訊內有賊目楊秀奇訊據供稱向在湯思蛟股內充當牌頭前日在太平山內被官兵打散湯思蛟帶

領一百餘人馬三匹分路向馬家營一帶逃去
我帶八九十人在楊柳關龍王堂楊河溝各處
藏匿因無可搶掠又逃散二三十人剩五十餘
人今日被官兵擒殺尙有十數人四路扒山逃
散等語當卽分別正法其薛大烈一路官兵據
報近日在修溪壩一帶搜剿湯逆適探得八卦
山內有賊匪一股竄匿約一二百人又簡家河

地方亦有零匪潛匿薛大烈當卽分派叅將蕭鳳來遊擊桂涵薛陞都司馬成林等帶兵剿八卦山之賊副將海常都司邱鳳岐等帶兵剿箇家河之賊薛大烈帶兵分投策應初二日蕭鳳來等行抵八卦山賊已起竄官兵跟蹤追躡初三日巳刻追至沿水溝地方趕上賊匪蕭鳳來馬成林分兵由右手荷蘇園上攻桂涵薛陞分

帶鄉勇由左手白菓園下壓兩路兵勇夾擊盤
賊七八十名生擒旗手一名戰手二十四名餘
匪數十人鑽入箐林無蹤薛大烈當提旗手沈
得明等審訊據供此股係黃號餘黨總兵李顯
林爲首帶領一百多人藏匿山內躲避官兵今
日官兵前來搜捕李顯林已被殺死等語當令
認出僞總兵李顯林屍身剗取首級梟示並將

該犯等正法至簡家河之賊係不知姓名餘匪
五六十人在彼摸樣並無賊首在內海常邱鳳
岐等帶兵前往搜捕業已悉數殲除又接賽冲
阿溫春來信據稱前月二十七日在奉節大寧
交界之桃木灣乾溝安葛山一帶追剿賊匪沿
途殺斃七十餘名生擒三十三名內有湯思蛟
之妻符氏偽總兵王三魁之妻李氏及探馬頭

張陞旗首李白臣黃漢文等三名賽冲阿等訊
明後照例分別辦理查訊湯劉二逆均已分路
先逃並不在此夥賊內臣查近日川東賊匪零
星分散百十爲羣或有賊首或無賊首倏分倏
合輾轉奔逃卽如賽冲阿溫春薛大烈等分路
搜捕湯劉二逆屢次探有蹤跡趕緊剿辦將二
逆之妻俱已先後擒獲而該逆仍不在其內其

兎蟻伎倆實堪痛恨然窮蹙情形亦可概見現
在探得沿邊山林如通城寒水壩簸箕園無量
山羊耳壩湯家壩等處均有零匪自數十人一
二百人至二三百人不等大約未獲首逆不過
潛匿此數股之內趕緊分投搜剿自可次第殲
除至格布舍楊芳等追剿李彬股匪前據探報
已至二郎壩近日曾否得手尙未得有信息其

張志林等一路官兵探剿雲萬餘匪因該匪向西奔竄張志林等帶兵向梁山忠州取道兜截亦尙未據報接仗確信臣現在自新寧向雲萬進發探聽各路賊情相機前往督剿

同日德楞泰勒保又奏言竊照建昌道石作瑞於本年十一月十七日丁親母艱例應開缺所遺道缺例應請

旨簡放惟查川省尙有候補道劉清一員該員在川
年久歷著循聲嘉慶四年蒙

恩由州縣陞授建昌道嗣因賊過滇河防守不力叅
革奉

旨以知縣降補尙未得缺本年正月間臣勘保以該
員在川北一帶管領鄉勇防堵屢著勞績奏請
開復原官奉

旨允准在案茲有道員缺出理應先儘補用所有建
昌道員缺可否卽以劉清補授之處出自

聖恩均奏入

上命軍機大臣傳諭勒保曰此次勒保等派令將領
分剿湯逆股內散匪楊秀奇李顯林等各有所獲
而簡家河之賊經副將海常等前往搜捕悉數殲
除所辦尙好惟摺內稱接賽沁阿溫春來信在奉

節七寧交界地方雖將湯思蛟及偽總兵王三魁
二八之妻擒獲恐係賊匪所擄民婦故令落後冒
充賊妻計圖逃脫亦未可定現在敗竄零匪條分
條合其未獲首逆總不過潛匿此數股之內勒保
等如果將李彬湯劉著名首逆擒獲固應卽由六
百里馳奏但當隨時隨地遇賊卽剿若僅注意此
數名首逆設遇零星散匪置之不辦則該匪等乘

間裝脅湊聚賊數又必增多此時賊蹤分合靡常
勘保當通飭帶兵各員視賊所向隨機分合奮力
截擊若能如此次辦簡家河之賊盡數殲擒不留
餘孽俾散竄之匪日漸搜淨則李彬湯劉等逆無
所依附卽不難按名擒獲勒保現已向雲萬一帶
進發探聽各路賊情相機督剿務須飭催賽冲阿
薛大烈格布舍張志林等上緊剿李彬湯劉等逆

及各股零匪於正月一律掃除肅清川境毋得再有遲延

同日

上諭內閣曰劉清在川省有年聲名素好經朕加恩擢至道員嗣因冉添元股匪由太和鎮地方竄過潼河劉清係屬總巡疎於防範實有應得之咎是以將伊降爲知縣但彼時劉清曾經稟明魁倫欲

將貴州兵丁留於潼河一帶防堵因魁倫不在所
請賊匪得以乘間偷渡亦非劉清漫無籌畫所致
該員自降補後在川北一帶管領鄉勇防守地方
屢著勞績前已開復原官茲有道員缺出自應先
儘補用劉清著加恩准其補授建昌道以示獎勵
二十四日丙寅陸有仁奏言連日據報前竄峇陽
接官亭一帶賊匪首逆卽係辛聰因提督楊遇

春帶兵趕到賊卽連夜翻山由鳳縣大石巖出
溜壩陳倉溝一帶經楊遇春帶兵趕至王家塢
截殺賊匪一百餘名生擒六十餘名奪獲騾馬
旗幟器械甚多餘匪四散竄入深林密箐楊遇
春現由鳳縣迎門寺一帶隨地搜剿臣復飛飭
雒昂帶領鄉勇卽由洋縣華陽一帶趕緊探蹤
繞截慶溥所帶官兵亦已自洋縣入山自可三

面會剿至此次賊匪乘夜竄越因追捕甚緊未能稍有停留棧道行旅居民尙俱安堵無恙又賊匪一股約五六百人前由紫陽漁溪河竄至西鄉之十四道河總兵胡定泰派守備李芳帶領鄉勇夜撲賊營未能得手鄉勇間有傷亡迨胡定泰帶兵追往該匪已折回漢陰紫陽交界之段江石地方乘夜踣淺過江經該處防守把

總黃大勇帶本卡兵七十名沿江堵禦力竭陣
亡賊卽由江北梧桐溝銅錢窖逃竄該處寨勇
鎗廠轟擊斃賊十餘名賊匪復東竄至安康鎮
安交界之巖屋河一帶臣查過江賊匪雖止數
百人但據報並無官兵緊躡追剿此時鎮安山
陽一帶防兵甚少處處空虛且相距楚豫交界
不遠設賊匪乘間東竄關係匪輕經畧額勒登

保相距較遠臣不敢稍有拘泥一得探報卽飛

咨該處防守總兵汪啟迅速馳剿又總兵穆克

登布亦近在安康平利一帶臣亦飛咨該鎮酌

量該處緩急情形分兵協擊一面咨會署寧陝

總兵韓自昌卽挑帶官兵由孝義鎮安一帶探

從堵剿並飛移署西安將軍祥保酌量派軍標

官兵願住鎮安商州一帶以杜賊竄東北惟汪

敗一路官兵距賊較近日內曾否截住賊蹤尙未得有確信

臣

實不深焦灼所幸楊遇春之兵

現在南山如將辛逆股匪剋日辦完卽可就近

移師督剿

臣

已札致楊遇春相機籌辦至苟逆

大股賊匪由廣元竄至巴州之魚溪寺一帶經

畧叅贊分兵南北兩路追剿其前敵總兵楊芳

等追剿李彬股匪已至平利之鎮坪地方賊勢

日形零落指日即可掃除奏入

上命軍機大臣傳諭陸有仁曰此次楊遇春剿辦辛聰股匪多有斬獲其搶渡江北賊匪現竄至安康鎮安交界地方經陸有仁飛咨總兵汪啟穆克登布韓自昌等迅速馳往分兵協擊所辦俱是又札致楊遇春如將辛聰股匪辦完卽就近移師督剿所見亦是但楊遇春果能將辛聰股匪剿淨自可

令其帶兵往剿若未能完竣亦不可捨而他往至
此股竄匪本屬無多現有汪啟穆克登布在彼截
擊又有署總兵韓自昌由孝義鎮安一帶探蹤迎
擊署西安將軍祥保接陸有仁移知自必派官兵
顧住鎮安商州等處以杜賊竄東北前又降旨令
長麟慶成赴彼會剿無難迅速掃除陸有仁惟當
轉飭汪啟穆克登布等上緊剿辦若能就地殲除

固屬甚善否則亦須逼回漢江南岸斷不可任其
竄往鎮安商州逼近豫省再此股賊匪何人爲首
是否由湖北邊界竄入抑由川省竄來並著陸有
仁查明具奏至疎防之胡定泰李芳已降旨交部
勒登保查明辦理矣

上又命軍機大臣傳諭額勒登保曰前據文麟奏漢
陰地方有賊匪一股約五六百人於初四夜間竄

過江北當經諭令查明此股竄匪從何處竄渡該處防守係屬何員據實奏奏本日陸有仁奏此股賊匪係由胡定泰所管汛地偷越守備李芳帶領鄉勇往撲賊營未能得手等語胡定泰李芳二人防堵不力以致江北無賊地方復又闌入皆有應得之罪著額勒登保查明疎縱緣由將該二員傳旨革職卽行審擬具奏至把總黃大勇帶兵堵禦

未能將該匪截回固難辭咎但所帶兵勇僅七十
名又已力戰陣亡仍著咨部賜卹

欽定剿平三省邪匪方略正編卷二百九十二

辛酉

十二月二十六日

戊辰

慶成奏言

臣

於前月帶兵

赴甘截剿荷逆股匪自梅子園奮力痛殲後該

匪繞折逃避時值冰雪嚴寒

臣

鼓勵兵勇不分

晝夜抄截緊急該匪料難深入陝甘卽由原路

折回川境並未蹂躪日夜翻山穿林亡命奔逃

其駭從被裹之人沿路多有逃散

臣

帶兵趕出

陽平關適經畧額勒登保亦到沔寧地方順道

往見一切面述額勒登保卽由寧羌入川緊蹙

督剿因臣所帶兵勇跋涉辛勞量予犒賞令在

八面河一帶整理往來截剿嗣聞苟逆股匪經

額勒登保德楞泰督兵分路併進該匪由廣元

花溪一帶向東狂奔臣慮其復折陝境隨自八

面河入山至廣元之關口埡以備迎頭扼剿前

此有辛劉殘匪四五百人由鐵鎖關西竄黑河
經畧檄行提督楊遇春由畧沔探迎剿辦維時
副都統慶溥及臣派去遊擊張汝勤等兵勇捕
盡南山殘匪撤回札知一併協剿楊遇春已趕
至棧道以東遇賊截殺斬擒一二百名餘匪逃
竄南山現在分兵剿辦本月十三日接據漢陰
廳稟報有賊數百人不知何股餘匪於初四日

由漢陰紫陽交界地方迺淺偷渡北竄查漢陰距關口壩已隔千里數日後臣始得信計經畧

進至巴通地方得信更遲恐紫陽漢陰一帶總

兵劉瑞汪啟等之兵勇俱因防江喫緊未敢擅

離雖偷渡之賊爲數無多亦非臣專管防所惟

經畧距陝稍遠臣係本省提督自應隨時籌撥

兵勇趕往協剿查叅將吳亨衍前在南山搜捕

尙能熟悉卽分撥兵勇九百餘名派該叅將帶
領由洋縣入山抄出北面協剿並飛咨楊遇春
慶溥如將辛劉殘匪辦竣兵力充足定可併力
一鼓殲除尙辛劉餘匪尙未淨盡楊遇春慶溥
酌商一人督率搜捕一人就近馳往調遣叅將
吳亨衍一路兵勇趕緊合剿偷渡之賊俾得及
早集事至邇來川陝西北邊界尙屬寧謐惟苟

逆一股經畧叅贊向巴通地方剿辦漢南一帶
邊防關係緊要臣隨帶兵由寧汧南鄭一帶督

率各路兵勇加倍嚴防前月二十八九兩日疎

防賊匪偷越張家山之遊擊王自祿都司倭里

布經畧查明叅革治罪

臣

派員接防整飭並將

王自祿等換回先卽摘去頂戴恭候

諭旨至漢陰所報賊匪偷渡未據指明究係總兵劉

瑞汪啟等何員專管之汛臣現已飛差確查務得其實以便具報經畧核奏奏入

上命軍機大臣傳諭惠齡慶成曰辛劉殘匪四五百人經楊遇春截殺一二百名餘匪竄入南山前此竄匿南山賊匪經官兵搜剿多時始能肅清今又被殘匪闖入實爲可恨五郎地方安設重鎮其南山各隘口又添派兵弁星羅棋布原爲嚴防竄匪

而設何以仍任賊匪竄往豈該處新設營汛尙未
齊全竟無官兵在彼駐守耶著惠齡慶成查明叅
奏至由漢陰地方踴淺渡江之賊慶成得信後卽
飛飭叅將吳亨衍帶領兵勇由洋縣抄出北面協
剿所辦尙好此股賊匪前經長麟陸有仁等先後
奏到現已折竄安康鎮安交界地方當經降旨令
長麟慶成前往督辦今慶成已帶兵赴寧沔南鄭

一帶督率嚴防距安康較遠且苟逆股匪經額勒
登保德楞泰兩路大兵迎截恐該匪被剿緊急由
川竄陝漢南等處邊防甚關緊要慶成竟不必前
赴江北卽在寧沔一帶認真防守以杜苟逆竄陝
之路其偷渡漢陰之賊卽責成吳亨衍剿辦惠齡
已前赴鳳縣與長麟會晤該督接印後無庸再往
漢中所有江北賊匪專交惠齡會同楊遇春督率

剿辦現在竄入南山之辛劉餘匪爲數雖屬無多
若在彼藏匿日久必致別有裹脅且安康鎮安一
帶竄匪亦難保不就近竄往若夥合勾結勢必復
成大股而帶兵之員又得以山深路險爲辭搜捕
未免費手此時楊遇春已分兵剿捕辛劉殘匪其
偷渡江北之賊現有汪啟穆克登布韓白昌吳亨
衍等帶兵協剿並署西安將軍祥保派兵顧住東

北兵力不爲不厚。忠齡楊遇春務常督飭鎮將等
將山內山外奔竄殘匪奮力截擊。於正月內盡數
殲除。斷不可稍有遲緩。致任蔓延。再前在漢陰偷
渡之賊。昨據陸有仁奏係胡定泰李芳疎防。今慶
成留內稱究係總兵劉端汪啟等何員專管。現在
確查等語。與陸有仁所奏不符。著惠齡據實查奏。
並詢明此股竄匪係何賊首從何處竄來。一併覆

奏

二十七日巳吳熊光全保長齡奏言查戴家營
暨藍黃青白各號餘匪自經臣全保長齡在老
居溝八卦廟剿散向西南一帶遁入老林王會
二逆經孫清元等逼入興巴邊界亦在老林中
折竄無定查各該處俱緊接川陝邊界綿長千
有餘里林深山險霧雪不時賊匪狡猾異常一

見官兵則四散竊匿迨至兵過又復聚而出擾
兼之萬山重疊路路可通東截則西奔南兜卽
北竄賊勢愈窮奔走愈速官兵緊蹙深追實已
不遺餘力睹此情形不勝焦灼憤恨臣等公同
熟籌必得分兵數路三面進逼遇賊卽剿方可
得手臣全保長齡由獅子岩高塘河自北而南
總兵孫清元吉林泰抄赴興山自東而西總兵

德昌王懋賞自西而東隨剿隨進另派熟悉老

林路徑之奮勇兵勇采入轟擊表裏夾攻

臣吳

熊光設法分投趕運糧餉源源接濟並激勸義

勇曉諭堡寨以聯聲勢初三日探得前次剿敗

之青藍等號餘匪竄至泉溪廣龍灘一帶德昌

王懋賞自西追剿前來

臣

全保長齡督兵迎截

該匪折走譚家垭德昌懋領兵勇趕上賊尾鎗

箭齊發立斃賊匪八九十名生擒二十四名該
匪益形慌亂向蔡家坪八尺溝四散亂竄

臣全

保長齡督率侍衛呢瑪善叅將德興承祿遊擊
王占鰲等抄向賊前迎擊賊匪翻上山梁捨命
狂奔官兵儘力窮追沿途殲斃五十餘名該匪
鑽入深林復用鎗礮轟出斬戮三十餘名生擒
黃玉賢等四十八名並德昌一路獲賊訊據供

稱戴家營卽戴四前被官兵在老居溝剿散後
只帶領三四十人翻山逃走不知竄往何處或
已歸併別股現在是青藍等號有劉張兩個元
帥各帶二三百人因官兵追殺得緊已四散亂
逃不成股數不過在南山老林內東藏西躲擄
食度日等語查黃玉賢等二十五名曾經充當
賊目牌頭矛手當卽一併正法其餘王南等四

十七名訊係被擄未久當卽省釋探得該匪剿

散後又分兩路一由黃龍山紅花梁向東奔竄

臣等卽派朱士奉孫應奉帶領馬步官兵搜剿

一向西南廟坪老林奔竄派撥奮勇步兵直入

老林轟擊臣全保長齡督率大隊官兵由獐洛

河一帶截剿務期尅日掃除至王曾二逆經孫

清元一路副將李天林樊雄楚烏爾卿額等率

兵追至溪口該處山勢排列極爲險峻馬匹不能行走當經總管托爾托保帶領馬隊截住漢川嶺竄出之路李天林等帶領步兵入山行至天保寨見賊匪擄得下寨汲水鄉民向寨上索換食物我兵追上立時斃賊十餘人餘匪捨命飛奔由老虎埡竄出漢川嶺正值總管托爾托保迎頭截住兩路擊剿斃賊六十餘人散出難

民九十三名餘匪向洪坪逃奔適孫清元吉林
泰山坪上河抄截而來該匪卽向羅漢峒潛逃
其王曾大隊尙在斑竹園屯紮係清元帶同總
管托爾托保副將烏爾卿額遊擊毛秉剛都司
郭朝鳴等由連湖坪洪坪兜截吉林泰率同副
將李天林樊雄楚參將持安都司姜元祥等向
斑竹園進擊該匪正欲拔寨官兵直前追剿賊

衆情急分扒左右大山該鎮等山下斃坪夾喇
溪兩面截殺追至二十餘里沿途共斃賊二百
餘名生擒六十四名餘匪向亂柴溝一路奔逸
汛出殲斃偽先鋒朱龍並據牌頭魏大富等供
稱王曾元帥令我等總躲在老林裏覓食聞官
兵來到四散就逃因四川擄不出糧食要想到
巴東火峯一帶去覓食營裡矛手各處打撈被

鄉勇寨上打傷許多漸漸逃散餘無要供當將
該二犯卽行轢割其李喜等二十二名皆係兇
惡不仁均卽正法其被擄未久之王興等四十
一名照例寧釋該匪卽向興山屬之後界坪一
路逃遁孫清元吉林泰現由冷盤堽檀香坪跟
蹤追擊連日天氣晴霽定可趕上痛加洗戮
臣
等查各股零匪勢已窮蹙專藉老林山險爲延

端之計

臣

全保長齡惟有與孫清元吉林泰德

昌王懋賞等督率兵勇分路儘力搜剿賊分則
官兵分路兜擊賊合則官兵合力殲洗隨時相
度機宜安速籌辦此次打仗德昌一路守備倪
聯清腿受石傷其餘各路兵勇間有傷亡容再
查明咨部奏入

上命軍機大臣傳諭吳熊光全保長齡曰楚省軍務

情形自前月二十二日全保長齡奏報夾擊各股攢聚賊匪後至今已隔月餘總未撲續有馳奏朕以爲必係吳熊光等將該省各股殘匪掃除淨盡始行專摺具奏及本日遞到吳熊光等奏報祇將餘匪先後藏擒五大百人仍未能擒一賊首剿盡一股而曾王戴家營等及青藍等號餘匪仍在楚省老林奔竄伊等在彼所辦何事乃摺內尙稱趕

緊設法務期尅日掃除可謂無耻之極試思伊等
此次奏報已遲至三十五日若俟下次奏到又在
二月初旬彼時氣候暄和青苗在地賊匪又得掠
食飽颺輾轉奔竄何時始能辦淨伊等豈不思滅
此朝食耶吳熊光全保長齡均著傳旨申飭伊等
務當激發天良大加振作期於正月內將楚境各
股零星殘匪一律殲除若能於川省苟逆辦竣之

先已將楚境廓清遞到捷音尙有微勞足錄倘再
有稽延必俟經畧叅贊將苟逆大股殲盡後移師
赴楚幫同辦竣則吳熊光等有何顏面不但無功
而且有罪矣凜之慎之

二十八日庚午勒保奏言前據雲萬一帶報有賊

匪竄擾臣當向開縣取道東行途次臨江市探

聞該匪等已西竄忠州查該境北通梁山墊江

西去鄧都涪州長壽一帶處處皆係腹地且聞此股賊匪有六七百人總兵張志林一路兵力

稍單

臣

必須親往策應督辦當卽一面飛飭張

志林同遊擊唐際盛夏雲龍等帶領兵勇緊躡

賊蹤追剿

臣

一面改道由梁墊一路向長壽抄

擊張志林等於十一日追至忠州所屬之黃金

灘趕上賊尾殺斃十五名生擒二名查訊賊匪

蹤跡據供已向黃金灘翻山向三會場一路西
竄該鎮將所擒活賊正法立帶將弁兵勇連夜
翻山遡行十三日抄至三會場之前白石舖地
方探得賊匪尙未經過張志林等兵勇暫在山
坳潛伏午後賊匪等果至該處場上意欲覓糧
做飯我兵乘其不備突出擒剿該匪始猶抗拒
唐際盛夏雲龍督率兵勇鎗箭齊發射死旗手

一名穿紅馬褂騎馬賊一名賊勢潰散張志林
卽分派唐際盛夏雲龍守備周仕貴吳芝秀張
鼎甲等四路追捕殺賊一百三十四名生擒男
婦七十四名口餘匪尙有數百名紛紛翻山鑽
林竄逸時天色已晚林箐深密黑夜難以窮追
張志林當卽收集兵勇暫息並將活賊查訊內
有僞元帥何贊一名係與王登廷徐添德同時

起事之犯張志林當卽派員將該犯解送

臣營

其餘或係戰手或係被裹男婦卽就近解交忠

州收明審訊分別辦理張志林等仍帶兵勇由

鄧都長壽一帶探剿適

臣

於十五日行抵長壽

縣屬之葛蘭橋該鎮前來會合據稟先後追剿

賊匪斬獲情形是日首逆何贊亦已解到

臣親

提訊究據供係達州人與王登廷徐添德一同

起事充當戰手各處與官兵打仗後來充當總
兵掌管營事王登廷等陸續敗死我自立爲元
帥手下有四先鋒並牌頭戰手一千餘人今年
夏間在陝西被官兵打散只剩三四百人逃入
川陝交界老林內藏躲又遇青號楊老掌櫃也
帶二三百人會合一處近因老林裏冰雪甚大
難以存身所以出來打撈昨由開縣雲陽一路

走到白石鋪地方忽然有官兵趕上將我拿住
楊老掌櫃不知逃往何處等供當將該犯凌遲
處死並飛飭忠州將所收夥匪難民逐一訊明
錄供稟報查辦一面飭差飛探該匪蹤跡復於
長壽途次擒獲探信賊匪何文海一名當卽訊
明正法

臣

查此股賊匪尙有四百餘人且有賊

目在內旣在長壽江北等處奔竄必須趕緊剿

淨現在探明該匪竄向卽與張志林分路兜擊以期卽日殲除其賽冲阿溫春等一路官兵自在奉節大寧交界之桃水灣乾溝安葛山一帶打仗後連日偵探劉逆蹤跡總無實在確信亦未遇他股得有痛仗惟探得附近王莊坪黑樓門叢木嶺曹家田等處近有打散零匪倏出倏沒賽冲阿溫春等現在設法探剿其薛大烈一

路官兵近將八卦山簡家口兩路賊匪辦完後
尙在大寧山內萬古寺紅池壩一帶探剿零股
賊匪近日曾否遇剿接仗尙未續有確信至格
布舍楊芳追剿李彬股匪近據探報已由桐油
壩過峽連日亦無消息至苟文明一股自甘省
截回後仍入川境德楞泰業經接有痛仗賊鋒
已挫額勒登保現亦帶兵前來夾擊正係聚殲

機會

臣

又飛飭許文謨將江岸加緊嚴防德楞

泰又就近添派田朝貴赴川西協防江岸刻下

該匪人數較多經畧叅贊兩路大兵雲集定可

立時剿洗此股一完軍務全局已定

臣

卽當咨

商額勒登保德楞泰將分段設兵搜捕各事宜

趕緊定議辦理奏入

上命軍機大臣傳諭勒保曰此次賊匪何贊等與青

號餘匪楊掌櫃合夥竄至忠州經勒保飛飭張志
林同遊擊唐際盛夏雲龍等帶兵追剿抄至白石
舖地方探知賊匪尙未經過張志林等將兵勇藏
匿山坳候賊匪過時突出迎擊殲獲賊匪二百餘
名並生擒僞元帥何贊所辦尙好此股賊匪訊據
獲賊供稱尙在老林蕪躲近因山內冰雪甚大難
以存身是以出來打撈等語此等零星竄匪本無

伎倆惟是潛匿深山苟延殘喘兵至卽伏匿不出
兵退卽四出搶掠並無自行投出之賊亦斷不可
復事招撫現在何贊等因老林內冰雪甚大無食
可掠出山打撈恐其餘老林似此者尙多或冰雪
較少有食可掠賊匪潛藏未出必須剿辦淨盡著
勒保督飭鎮將等分路搜捕遇賊卽剿務將各處
老林內藏匿餘匪悉數殄除斷不可以此等散竄

之賊稍涉大意卽如苟文明一股亦係敗殘餘燼
爲數本屬無多七十五辦理遲延予賊以暇遂致
裹脅湊聚又成大股此時苟文明股匪現有經畧
叅贊兩路大兵合剿自無難尅日殲除勒保不必
分心兼顧至川省邊界李彬一股已竄陝境格布
舍楊芳曾否跟蹤追剿湯劉等逆勢俱窮蹙蹙沖
阿等會否得有勝仗其大寧山內零匪曾否辦竣

勒保係四川總督所有川東各股賊匪責成該督飭催上緊搜剿務於正月內一律掃除勿留餘孽若再延至春深勒保自思當得何罪耶

上又命軍機大臣傳諭惠齡長麟陸有仁日前據長麟等奏報有賊匪一股約五六百人由漢陰地方踰淺渡江本日勒保奏探聞格布舍楊芳帶兵追剿李彬股匪已由桐油壩竄過陝境等語是漢陰

賊匪或卽係李彬由川竄入亦不可定格布舍楊
芳本派令專剿李彬一股伊等無領官兵是否追
蹤前來如伊二人僅將李彬股匪轟逐出境卽帶
兵回川置賊不辦則格布舍楊芳均有疎縱之咎
著惠齡等卽速查明據實叅奏若格布舍等業已
追至陝界惠齡等卽當飭令伊二人協同汪啟穆
克登布等奮力剿捕尅期辦竣現在此股賊匪是

否已竄至鎮安或與南山竄匪合夥務須上緊殲
除淨盡勿任蔓延至竄入南山之辛劉餘匪爲數
雖屬無多若聽其日久潛匿必致輾轉勾結前已
諭令楊遇春等督率鎮將上緊搜捕現在曾否辦
竣著惠齡等先將近日剿辦情形速行馳奏以慰
廑注

三十日
額勒登保德楞泰奏言查荷逆股匪

山巴州竄入通江境內十一二等日臣額勒登

保率同扎克塔爾豐紳等由大河口城隍廟一

帶緊顧北面前進臣德楞泰率同馬瑜達克精

阿武隆阿等由元灘子青岡渡一帶緊顧西南

而進該匪知兩路大兵併力兜剿亡命奔走臣

等帶兵僨程冒雪進發日行一百三四十里不

等臣額勒登保於十三日晚間追抵通江之烟

溪是日賊匪竄至楊家坪欲出瓦石鋪向北竄入西鄉因聞北面有大兵截剿遂連夜折竄龍

鳳垭十四日臣德楞泰由巴州之士臺壩兼程

探剿晚間趕抵九子坡探知賊匪竄過龍鳳垭於劉家壩橫山子等處屯劄相距六十餘里遂於三更時發兵天明馳抵瓦山溪賊匪尙未起竄惟該匪屯劄之劉家壩係在木耳巖半山冰

雪陡滑我兵若由瓦山溝直進係屬仰攻且有
深溝之隔恐難得手

臣

德楞泰遂分兵兩路令

馬瑜率同遊擊蕭太和沈文同羅思舉等帶領
步隊兵勇由左手繞上山梁進擊又令副都統
銜色爾滾武隆阿侍衛蘇爾伸總管富登阿協
領德寧阿副將李應貴馬應國叅將馬濟遊擊
馬文斌徐陞等帶領馬步兵勇由趙家河直上

山梁進攻

臣

德楞泰督率侍衛克什布副將達

白祥參將何君佐遊擊珠勒亨等相繼而進賊

匪見我軍上山仰攻膽敢糾衆下壓我軍鎗礮

齊發立斃賊匪十餘名賊匪亡命抗拒相持半

時之久適馬瑜等帶領從左路繞上山梁向賊

後壓下賊匪慌亂色爾滾武隆阿等卽乘勢搶

上橫山子兩路兵勇衝入賊巢攪殺一處賊股

內有頭戴翎頂一人在來督陣勢甚兇悍色爾
滾躍馬直前挽弓欲射被該匪持矛戳傷左肋
墜馬滾巖只傷皮膚幸不甚重兵丁李貴奮力
上前將該匪戳斃賊勢潰散經我兵殺斃二百
餘名生擒何倖修等一百三十四名餘賊向大
深溝逃遁臣德楞泰仍令馬瑜克什布武隆阿
等帶兵躡蹤追剿並令達自祥羅思舉等帶領

步隊由小路抄截色爾滾仍換馬追殺兩路官兵又殺賊二百七十八人生擒冉大會田仕得等三百十七名該匪分股由尖茶坪黃鍾鋪草壩場一帶逃遁其計殺賊五百八十九名生擒四百三十餘人滾崖跌斃及逃散者甚多奪獲旗幟鎗矛二百餘件騾馬三百餘頭匹我軍只傷亡弁兵數人遂將兵丁李貴所殺頭戴翎頂

之賊令該犯雷順安等指認據稱係新元帥苟
潮獻苟文明胞姪向日奉當先鋒在賊寨中主
謀管事今封爲元帥苟文明自稱爲老掌櫃等
語又於殺斃賊匪內認出苟文明堂弟苟文舉
生擒賊犯內認出偽先鋒景仕朝旗手雷春發
等三名臣德楞泰當飭將景仕朝等凌遲處死
所獲各犯內訊明被脅未久者一百八十九名

均予釋放其餘多緊戰手慨行正法是日臣額

勒登保由洪口至亂石子河臣德楞泰一路官

兵已獲勝仗賊匪竄向黃鍾舖仍恐其北出竹

峪關遂連夜由竹峪關亭子廟官壩一帶迎截

賊匪知北面又有兵來復由石人壩仙女寨走

馬坪折向東南而遁臣額勒登保卽帶兵由太

平趙家壩舊縣壩一帶竄往東面探蹤抄截賊

匪現由沙壩場出樊噲墟渡口巖向南逃竄該
匪經此番剿殺兇鋒大挫所存已不過千數百
人亡命疾走更不敢稍有停留據獲犯供稱該
匪自甘境折回之後原要由太平西鄉入陝因
北面有兵疊次攔截現欲由開縣大寧入楚等
語查刻下勒保於開縣一帶督剿賊匪賽冲阿
溫春帶兵在大寧寶塔一帶薛大烈在小平溪

明通井一帶因湯劉股匪所剩無多於冰雪深

山中潛蹤逃匿各路官兵皆在東面設法剿捕

臣等已知會勒保督兵向溫湯井一路探聽苟

逆竄蹤相機遏截並飭知薛大烈於雞鳴寺明

通井等處截剿杜其入老林東竄之路臣德楞

泰連日緊蹣賊蹤追剿臣額勒登保又派令總

兵豐紳分帶官兵二千餘名由紅巖子渡口剿

緊顧東面協同臣德楞泰併力進剿惟因東面

一帶大兵雲集西面甚屬空虛恐該匪乘間折

向西趨臣額勒登保現已親率札克塔爾等由

固軍壩官渡黃金口一帶進發以備該匪折向

西來即可迎頭截殺有此數路大兵合力趕辦

自不致稍有蔓延約計旬日之間必可就地殲

洗臣等俟將此股賊匪辦完卽察探各股餘氛

以次掃滅再格布舍楊芳等所辦李彬股匪自
上月二十四日追至東鄉太平溪斬獲多人之
後該匪翻越山林由太平雞鳴寺兩扇門遁至
峽境之八仙河格布舍楊芳等星馳追截節次
殲擒所剩僅百數十人又經格布舍楊芳等將
該匪由南天門大竹河截回太平地界臣額勒
登保於十五日晚間進抵竹峪關據民人報稱

有賊匪百餘人竄至附近之董溪口老林並有
該匪股內逃出難民陳大富供稱此股卽係李
彬殘匪臣額勒登保以該匪爲數無多倏隱倏
現若偵知多兵追剿必仍四散潛逃轉難搜捕
已酌派叅將朱槐遊擊劉健標等共帶精健兵
勇八百名作爲兩路連夜前往分投兜剿務期
弋獲格布舍楊芳等次日帶兵到來已歸併臣

額勒登保一路進剿奏入

上命軍機大臣傳諭額勒登保德楞泰曰此次苟文明股匪由巴州竄入通江境內額勒登保德楞泰分路兼程進剿賊匪屯紮木耳巖德楞泰分兵進攻賊匪仍敢恃險抗拒我兵奮勇衝入賊羣攬殺共計斬獲賊匪一千餘人並殲斃苟文明之姪僞元帥苟朝獻苟文明之弟苟文舉及僞先鋒旗手

等大挫賊鋒額勒登保探聞德楞泰一路已得勝
仗恐賊匪北竄竹峪關卽帶兵迎截賊匪知北面
又有大兵不敢竄陝折向東南逃遁所辦尙好本
日正屆歲除得此捷音成功已在旦夕額勒登保
德楞泰著加恩各賞四喜玉牌搬指玉鼻煙壺大
小荷包用迓新禧速成大功永承恩眷副都統銜
色爾滾乘賊匪慌亂搶上山梁欲射頭戴翎頂之

賊致該匪持矛戳傷墜馬仍換馬追殺實屬奮勇
著賞大小荷包如續有出力之處著領勒登保等
再行保奏另發去玉搬指翎管各十個鼻煙壺十
件交德楞泰分賞所帶出力員弁至兵丁李貴兒
色爾滾被傷墜馬奮力上前將該匪戳斃色爾滾
得以無恙其戳斃之賊卽係偽元帥苟朝獻乃賊
人用事頭目倉猝被殲賊勢始行潰敗尤爲超衆

出力李貴卽著超補千總以示獎勵苟逆一股經
此次痛剿之後所剩不過千數百人亡命奔逃勢
已殘敗額勒登保等務當趁此兵威勝勢專心剿
辦迅速盡數殲除勿留餘孽此股辦竣其餘皆不
過零星散竄之賊伊二人自當分投剿捕額勒登
保應赴陝督同惠齡楊遇春等搜捕漢陰南山等
處賊匪德楞泰係成都將軍應卽在本省幫同勒

保剿辦李彬湯劉等逆川陝兩省股匪辦竣卽各行馳奏至漢陰一股賊首不知是何姓名初以爲必係由楚竄陝之賊前閱吳熊光等奏報情形楚賊並無竄入陝境者昨又據勒保奏李彬一股已由川竄陝朕又疑漢陰之賊必係李彬今額勒登保等摺內稱李彬股匪前由太平竄至陝境八仙河經格布舍楊芳帶兵追殺祇剩殘匪百數十人

截回太平地界是李彬仍在川境其漢陰之賊究
係何股從何處竄來額勒登保等仍遵前旨確查
具奏此時陝省辛劉餘匪竄入南山其漢陰竄匪
已近安康一帶恐與山內辛劉合夥著額勒登保
咨催惠齡楊遇春督同汪啟穆克登布韓自昌吳
亨衍等上緊剿淨勿少遲緩